

古今文綜

野居書肆

古今文綜 第一部 論箸序錄之屬

第五冊

目錄

第二編 序錄類

第二章 箸述之序中

(乙)序人箸述

(一)序單篇

晉皇甫謐三都賦序

(二)序全帙

(子)詳序

唐鄭亞衛國公李德裕會昌一品制集序

清孔廣森戴氏遺書總序

(丑)渾序

(金)關繫

(壹)爲前輩序

宋蘇軾六一居士集序

清梅曾亮桑弢甫先生集序

(貳)爲後輩序

清魏禧梓室遺稿序

清梅曾亮舒伯魯集序

清曾國藩日慎齋詩草序

(叁)爲婦人序

唐張說唐昭容上官氏文集序

清邵齊燾佩蘭詩草序

清吳汝綸清河觀察劉公夫人詩序

(肆)爲方外序

宋歐陽修釋祕演詩集序

宋歐陽修釋惟儼文集序

宋蘇軾錢塘勤上人詩集序

(伍)爲外國人序

清吳汝綸高田忠周古籀篇序

清吳汝綸周易象義辨正序

(石)作法

(壹)以列傳之法序

梁任昉王文憲集序

清邵齊燾伯兄詩文序略

(貳)以史志之法序

清曾國藩歐陽生文集序

清吳汝綸孔敍仲文集序

(叁)以地記之法序

宋王安石靈谷詩序

清姚鼐左仲郢浮渡詩序

清梅曾亮閒園詩序

清朱仕琇谿音序

清吳懷珍守經堂詩敍

清吳汝綸二許集序

(肆)以紀事之法序

宋顏延之三月三日曲水詩序

唐韓愈上巳日燕太學聽彈琴詩序

明宋濂桃花澗修禊詩序

清袁枚尹文端公詩集序

清洪亮吉十二月十九日終南仙館同人祀蘇文忠公詩序

清梅曾亮阮小咸詩集序

清李慈銘庚午九日曹山宴集夜飲秦氏娛園詩序

清李慈銘辛未九日慈仁寺宴集詩序

(伍)以感歎之法序

宋徐鉉翰林學士江簡公集序

宋歐陽修蘇氏文集序

宋歐陽修江鄰幾文集序

清洪亮吉蔣清容先生冬青樹樂府序

清姚鼐南園詩存序

清梅曾亮恥躬堂文集序

王先謙磨綺室詩存序

(陸)以託諷之法序

明歸有光項思堯文集序

清魯一同伊蒿室集敘

清魯一同熊大司寇集敘

清曾國藩重刻茗柯文編序

清曾國藩朱慎甫遺書序

清諸可寶國朝詞綜續編序

清張裕釗重刊毛詩古音考序

清張裕釗翊翊齋遺書序

(柒)以諍論之法序

梁蕭統陶淵明集序

清姚鼐程縣莊文集序

清曾國藩孫芝房侍講芻論序

清李慈銘龐尙書文廟祀典考序

(捌)以闡發之法序

唐張說洛州張司馬集序

唐韓愈荆潭唱和詩序

宋曾鞏范貫之奏議集序

清洪亮吉孫季逵述倉頡篇序

清汪中蘭韻軒詩集序

清彭兆蓀陳藹人詩序

清姚鼐泰山道里記序

清曾國藩王船山遺書序

清曾國藩湖南文徵序

清吳懷珍復堂詩敘

清李慈銘德化蔡編修二女貞烈詩序

王先謙枰湖文集序

古今文綜

第一部 論箸序錄之屬

第五冊

杭縣張 相讓錄

杭縣姚漢章閱訂

第二編 序錄類

第二章 箸述之序中

(乙)序人著述 古人作書。不皆有序。或於終篇。最其大指。其體一衍。乃爲自序。而序人之作。亦由是興矣。爾其權輿。屬於著書。自是厥後。復有文集。而酬應之作。亦由是興矣。近世以還。操觚能文人。各一集。泛覽藝府。製序尤多。綜而甄之。亦爲兩類。

(一)序單篇 例見前章。錄玄晏三都賦序一首。太沖無名。借之以重世說。所載云。其自作。然昭明聞見切近。列名皇甫亮。不爲誣。茲從之云。

晉皇甫謐二都賦序

玄晏先生曰。古人稱不歌而頌。謂之賦。然則賦也者。所以因物造端。敷弘體理。欲人不能加也。引而申之。故文必極美。觸類而長之。故辭必盡麗。然則美麗之文。賦之作也。昔之爲文者。非苟尙辭而已。將以紐之王教。本乎勸戒也。自夏殷以前。其文隱沒。靡得而詳焉。周監二代。文質之體。百世可知。故孔子采萬國之風。正雅頌之名。集而謂之詩。詩人之作。雜有賦體。子夏序詩曰。一曰風。二曰賦。故知賦者。古詩之流也。至於戰國。王道陵遲。風雅寢頓。於是賢人失志。詞賦作焉。是以孫卿屈原之屬。遺文炳然。辭義可觀。存其所感。咸有古詩之意。皆因文以寄其心。託理以全其制。賦之首也。及宋玉之徒。淫文放發。言過於實。誇競之興。體失之漸。風雅之則。於是乎乖。逮漢賈誼。頗節之以禮。自時厥後。綴文之士。不率典言。並務恢張。其文博誕空類。大者罩天地之表。細者入毫纖之內。雖充車聯駟。不足以載。廣夏接榱。不容以居也。其中高者。至如相如上林。揚雄甘泉。班固兩都。張衡二京。馬融廣

成王生靈光初極宏侈之辭終以約簡之制煥乎有文蔚爾鱗集皆近代辭賦之偉也若夫土有常產俗有舊風方以類聚物以羣分而長卿之儔過以非方之物寄以中域虛張異類託有於無祖構之士雷同影附流宕忘反非一時也曩者漢室內潰四海圯裂孫劉二氏割有交益魏武撥亂擁據函夏故作者先爲吳蜀二客盛稱其本土險阻瓌琦可以偏王而卻爲魏主述其都畿弘敞豐麗奄有諸華之意言吳蜀以擒滅比亡國而魏以交禪比唐虞旣已著逆順且以爲鑒戒蓋蜀包梁岷之資吳割荆南之富魏跨中區之衍考分次之多少計殖物之衆寡比風俗之清濁課士人之優劣亦不可同年而語矣二國之士各沐浴所聞家自以爲我土樂人自以爲我民良皆非通方之論也作者又因客主之辭正之以魏都折之以王道其物土所出可得披圖而校體國經制可得按記而驗豈誣也哉

(二)序全帙

例見前章古之作者亦或稱爲大序焉分詳序渾序二類

(子)詳序

例見前章會昌一品云改義山之作戴集總序頗抉漢學之

精爰錄二首以存楷式

唐鄭亞衛國公李德裕會昌一品制集序

綸綍之興。載籍之始。先王發號施令。明罰勅法。蓋本於此也。唐虞之盛。二典存焉。夏殷之隆。厥有訓誥。自胤征甘誓。乃有誓命之書。皆三代之文。一王之法也。虞夏之際。代祀縣遠。其代工掌制之名氏。莫得而知。至於成湯太甲。則有仲虺伊尹。爲之訓誥。高宗得傳說。則有說命之篇。周公召公相成王。則有洛誥酒誥。周官顧命。秦始皇帝并一區宇。丞相李斯實掌其言。漢興。當秦焚書之後。侍從之臣。皆不習文史。蕭曹之輩。又乏儒墨之用。每封功臣。建子弟。其辭多天子爲之。縱委於執翰者。亦非彭灼知名之士。武帝使司馬相如視草。率皆文章之流。以相如非將相器也。厥後寢微寢長。下於魏晉。亦代有其人。我高祖革隋。文物大備。在貞觀中。則顏公師古岑公文本興焉。在天后時。則李公嶠崔公融出焉。燕許角立於玄宗之朝。常楊繼美於代宗之世。洎憲宗皇帝英武啟運。雄圖赫張。中興之業。高映前古。其

時則先太師忠公翱翔內署。有密勿贊佐之績。平吳定蜀。實惟其功。及登樞衡。作霖雨。尊王室。卑諸侯。圖蔡料齊。外定內理。顯王言於典誥。彰帝範於圖籍。紀在徽冊。播於無窮。特進太子少保。分司東都衛公。長慶中事。惠皇爲翰林學士。訓誥之業。彰於前聞。昭肅皇帝統握乾符。寤寐良弼。詔自淮海。復升台庭。盡付玄機。允厭神度。每彤墀奏罷。別承天睴。帝亦講伊訓。說命之旨。定元首股肱之契。以太平之制度。上古之文教。咸屬於公焉。會先太后懿號未立。帝明發有永懷之痛。公述沙麓神井之瑞。贊繞樞懷日之慶。懋遵聖緒。光慰孝思。於是承命有宣懿禘廟之制。及武宗郊昊天。拜清廟。文物胥備。朝廷有禮。華夷述職。河朔修貢。乃顯神休。薦徽號。奉揚一德。以示萬方。於是撰仁聖文武至神大孝之冊。封域無虞。天子翛然有求玄之思。乃範貞金。模聖表。隆準日角。燭於宮庭。中外臣寮。咸欲以頌山河而褒日月也。公於是。有聖容之贊。天街之北。獯鬻攸居。因饑憑陵。怙衆強禦。嚴之以刁斗。而勃爾無懼。申之以文告。又腆然不率。天子震怒。旋命征之。公獨運沈機。上資

宸斷萬里勝負。決於帷中。雷霆既振。犬羊遂潰。疣贅披抉。腥膻解離。遁其名。王復我貴。主公於是。有討北狄之詔。天寶末。薊門爲首亂之地。瘡痍榛棘。襲世未平。至是。漁陽帥仲武。掃除妖孽。臧獲仇讎。奉揚威神。乃底康靖。仍願勒石於盧龍之塞。以敘聖功。飛章上聞。帝用允若。公祇膺明命。舒展格言。呼嘯神祇。吐納嵩華。當晝而文星現。不寐而白鳳來。成諸侯不朽之勳。尊元后無私之化。公於是。有幽州紀聖功之碑。潞帥劉從諫死。其子因關河之險。恃甲兵之衆。請爵爭地。屢聞王庭中外疑迷。互撓天聽。帝將耀神武。公累獻忠謀。且言曰。重耳在喪。不聞利父。雄渠受戮。祇以拒君。況明皇舊宮。天井內地。跨連河北。脅倚山東。豈可行有匪人。坐爲汙俗。若是可忍。孰不可容。沃心無疑。躡足乃定。又曰。上黨居天下之脊。當河朔之喉。今漳水雄兵。常山勁卒。是爲唇齒。實懼因依。不若乘於未萌。制其將動。帝俞其奏。乃妙選使臣。以勞論之。嚴立刑賞。以勸戒之。魏侯鎮侯。戮力從命。絕壺關之右臂。收泝水之上游。獲茲渠魁。在此成算。又轅門叛將。潢水餘兇。竊上相之旌旗。盜晉

陽之管鑰。帝怒斯赫。人心愈疑。咸以師老於郊。梟巢尙固。議罷兵者蚊集。請宥過者雷同。公又揚笏而言曰。彼地則義師帥分宗室。是玄祖勤商之邑。后稷造周之邦。瓜瓞具存。堂構斯在。苟虧策畫。不襲仇讎。則是獎彌牟逐主之風。長冒頓射親之俗。詩稱築室於道。書謂疑謀勿成。由是洞啟宸衷。大破羣議。運籌制勝。舉無遺策。防微慮遠。必契神機。授鉞之臣。服膺承命。謝安之圍棋。尙劫曹參之飲酒。方酣果有軍書。繼聞戎捷。砥磨周鉞。水淬鄭刀。萬里來袁。尙之頭顱。二冢葬蚩尤之肩髀。歡聲雖震於朝市。喜氣不見於形容。何其纂立功勳。鎮定風俗。若是之重也。公於是。有伐上黨之制。平晉陽之勅。宗英可汗。獻琛輸贐。越自絕域。通於本朝。大畢伯仕之胤。呼韓谷蠡之師。或執玉而朝。靈囿。或解辮而拜。甘泉並垂於冊書。光被明命。公於是。有諭回鶻之命。五慰堅昆之書。四文章等於訓傳。機事出於神明。固將偃仰邳石之符。傲睨鬼箝之錄。聞之者可以祛聾瞶。得之者可以弼邦國。每牙管既拔。芝泥將熟。嘗於前席。親授筆札。公亦分陰可就。落簡如飛。時有急宣。關於

密畫內庭外制。皆不與聞。或勢切疾雷。機難終日。宣室未召。武帳莫開。公則手疏封章。達於旒扆。當乙夜觀書之際。未嘗不稱美再三。此又豈可與傳洞簫而諷於後庭。聞子虛而嗟不同世者。論功較德邪。歲在乙丑。羣公常伯。以天子之道。貫於神祇。一年而風雨攸序。災沴不作。二年殲醜虜。興北伐之詩。四年誅狡童。詠東征之歌。而又移摩尼之風。壞浮圖之俗。偃兵返樸。四海胥定。思欲增鴻名。光下武公。乃觀東序之圖。按西崑之謬。鋪舒名實。藻繆文采。類於上帝。爲唐神宗公。於是纂章天成功。神德明道之冊文。號位既畢。華夷會同。方將命禮官。召儒者。訪匡衡后土之議。採公玉明堂之圖。考肆覲之禮。於梁生。取封禪之書。於犬子。盡皇王之盛事。極臣子之殊功。而軒鼎將成。禹書就掩。然猶進先嘗之藥。獻高手之醫。藏周日。請代之書。追漢宣易名之美。作爲大誥。祈於昊天。始終一朝。紹續九德。其功伐也。既如彼。其制作也。又如此。故合武宗一朝冊命典誥奏議碑贊軍機羽檄。凡兩帙。二十卷。輒署曰會昌一品制集。紀年追聖德也。書位旌官業也。歲丁卯。亞自左掖。